

# Balua na bhisi

## gba

## Djaa

Eli na kalanu

Bhele kpála \*Djaa , aye nani balua gba e na bhisi pi ele bini ne ongisi gba e. A mana mugito me, u aye pi Dadjua gba Ebhe inde u adu ayo Ebhe bhú e ne okpála inde bhúbhú. Engú na ndundu inde adu bhúbhú-o, a ko bha me u du ne mukunda sunda o. Ani atsia apa me u lila lio ka omusuno na eu, ne nasuno gba o-o.

Ongbengbe engú inde bhú bhuku inde-e ngae inde:

Eli na kalanu 1-3

Engú na kalanu inde a ayo me mukunda mene e 4-6

Nalila lio ka nasuno na eu 7-11

Eli na soso 12-13

Djaa yi okpála inde li Ebhe abhu o-o mayi

**1** <sup>1</sup> Ngama, \*Bhele Kpála , ma ngaye balua inde-e pi yi, Ohi ní,<sup>a</sup> ngamu kpála inde li Ebhe abhu e di ne ongisi gba e inde ma ngakunda o na kukulu-o. Ma ngakunda bha yi ngama kpi ma kpi ade, ndu okpála hana inde ambila kukulu 'ngú-o akunda bhadi yi moko. <sup>2</sup> Padhá de, anga a ngadu bhú ní ne engú na kukulu. La di-e, kukulu 'ngú angoo-adu bhú dabili bini ne ní ndu 'kpi hana.

<sup>3</sup> A ayo me Ebhe 'Dyi ní, di ne Yesu \*Kilisito , Ndili gba 'Dyi ní-e, bhú mukunda di ne kukulu 'ngú gba o-o, suno bádha bhú 'bu pi ní, u dje ndjinga ní, amba u ha la di \*guo 'ngú pi ní.

Engú pindji engú na kukulu di ne mukunda

<sup>4</sup> Ma akpi djali naali, anga ma abhaka ongisi koko gba mu-o ngadholo bhú engú na kukulu, maka líli inde ní asia e ka 'Dyi ní ko. <sup>5</sup> Pi mbia inde-e, Ohi ní, engú inde ma ngayo e ka mu-o, a ngae inde: ní du ne mukunda sunda ní. A ko de me ma ngaye pi mu líli na mbia de, a ko líli inde ní asia e nayie bha bini li lilita<sup>b</sup> ko. <sup>6</sup> Lele li mukunda nde lie ngae inde: a ko namene olíli gba Ebhe-o. La di-e, líli angoo, a ko bha bhende yi adje nani e nayie li lilita me, a ayo me yi du bhú mukunda.

Yi lila liyi ka okpála napite okpála-a malila

<sup>7</sup> Okpála bhelé inde ngapite okpála atsambala ne bili ngangá pila doto. U ziba naao de me Yesu Kilisito ago nani bhú kute na kpála-kuti-e de. Kpála inde ngapa mo-o, a ko bhulu napite okpála, a ko la di bhulu yala gba Kilisito. <sup>8</sup> 'E-e! Yi lila liyi ngayi makpe-e ndjindji, ngabula me yi anéke makalá na kulu gba ya-a de. Engú bini, a ayo me yi sia makalá-a libhomu.

<sup>9</sup> Kpála ne kpála inde i lila nasuno inde u aha e pi yi pindji Kilisito de-e, inde i nga'o la di engú koko pépé-e, kpála angoo bhú Ebhe ade. Kpála inde la ngalila nasuno angoo, kpála angoo ngadu bhú 'Dyi Ndili-o, di ne Ndili-o. <sup>10</sup> I du me kpála nde ago, ani suno la

<sup>a</sup>1:1 Ohi ní: Okpála bhelé ngabundja me Ohi ní inde si-e, a ko Piga gba Ebhe, ongisi gba ani-e, a ko \*omabhuka .

<sup>b</sup>1:5 Nayie li lilita: A ko nayie li nedhinga inde u adje nani 'li Ebhe lie ko. Tsia bhú lukuluku 6, di ne bhú 1 Dja. 2:7, 24, 3:11.

di pi yi engú koko kpi-e, yi asía aní agba yi de, yi abhía di kúo lí aní de. <sup>11</sup> Padhá de, anga kpála inde abhía kúo lí aní-e, a asuno bhomú-o me u akpɛtsɛ lío ne aní bhú osisiti 'ngú gba aní-o.

<sup>12</sup> Ma ne engú bhelé ngú napapa pi yi. La-a, ma kúnda nayeye maye de, anga ma ne 'to ma 'to nanú agba yi oo, ngúbula me ní gama 'ngú ne yi me ní nde ngau líní mau, amba ní kpi djali ndjindji.

<sup>13</sup> Ongisi gba Ndai mɛ na Өөлө, kpála inde lí Ebhe abhú e-e<sup>d</sup> apa me, o yi mɛ mayi.

---

<sup>d</sup>1:13 Ongisi gba Ndai mɛ na Өөлө lí Ebhe abhú e-o: A akúnda napa me omabhuka na Dadjua na Ebhe lí \*Djaa adú nadú lie-o.